

U skladu sa članom 22a. stav (1) Zakona o finansiranju institucija Bosne i Hercegovine („Službeni glasnik BiH“ broj 61/04, 49/09, 42/12, 87/12 i 32/13) u svojstvu rukovodioca institucije, Igor Crnadak, ministar inostranih poslova Bosne i Hercegovine, dostavljam slijedeću

I Z J A V U

o odgovornosti za ostvarivanje ciljeva

MINISTARSTVO INOSTRANIH POSLOVA

A) Glavni ciljevi utvrđeni Programom rada za 2016. godinu ostvareni su kako slijedi:

Red. broj	Glavni ciljevi utvrđeni Programom rada	Procenat izvršenja
1.	Podnošenje aplikacije za članstvo Bosne i Hercegovine u Evropskoj uniji	100 %
2.	Predsjedavanje Bosne i Hercegovine Centralno Evropskom Inicijativom (CEI)	100 %
3.	Jačanje strukturalne saradnje i unapređenje odnosa Bosne i Hercegovine i NATO-a	kontinuirano
4.	Unapređenje regionalne saradnje	kontinuirano
5.	Razvoj i jačanje ekonomske diplomatije	kontinuirano

1. Intenziviranje aktivnosti na ubrzanju evropskog puta BiH

U skladu sa utvrđenim spoljnopolitičkim prioritetima Bosne i Hercegovine, Ministarstvo inostranih poslova BiH je u 2016. godini kontinuirano učestvovalo u aktivnostima koje su dovele do podnošenja kredibilne aplikacije Bosne i Hercegovine za buduće članstvo u EU. MIP je, s tim u vezi, tokom 2016. godine aktivno doprinio u procesu koordinisanja i aktivnostima unutar BiH, koje proizilaze iz Strategije integrisanja Bosne i Hercegovine u EU, te učestvovao u radu tijela koja se tiču procesa evropskih integracija na nivou Savjeta ministara BiH.

MIP je u 2016. godini pripremao analize, informacije i stavove u cilju napretka Bosne i Hercegovine u procesu evropskih integracija, te pratio aktivnosti na uključivanju u programe pomoći EU, njihovo korišćenje i sarađivao sa drugim državnim institucijama po ovom pitanju.

MIP je pripremao platforme, izjave i podsjetnike za razgovore zvaničnika Bosne i Hercegovine sa predstavnicima EU. Predstavnici Ministarstva su učestvovali na sastancima i skupovima i pripremali zabilješke i informacije o njihovoj sadržini i toku. Ostvarena je stalna saradnja sa Delegacijom EU u Bosni i Hercegovini, Kancelarijom specijalnog predstavnika EU i diplomatskim predstavništvima država članica EU.

Svi postavljeni ciljevi su uspješno realizovani-BiH je 15.02.2016. godine predala aplikaciju, a Vijeće za opšte poslove EU je 20.09.2016. godine donijelo pozitivnu odluku o prihvatanju aplikacije i otpočinjanju relevantnih procedura njenog razmatranja. U tom kontekstu,

Evropska komisija je početkom decembra uručila BiH i relevantni Upitnik, sa ciljem izrade Avis-a.

2. Predsjedavanje Bosne i Hercegovine Centralno Evropskom Inicijativom (CEI)

BiH je u 2016 godini predsjedavala Centralno Evropskom Inicijativom (CEI), jednom od najznačajnijih regionalnih organizacija koja broji 18 zemalja članica. Ministarstvo inostranih poslova je bilo zaduženo za kompletnu koordinaciju predsjedavanja. Predsjedavanje veoma uspješno realizovano. U sklopu predsjedavanja, BiH je, između ostalog, organizovala niz događaja, među kojima sastanak ministara inostranih poslova CEI u junu u Banjaluci i Samit šefova vlada u decembru u Sarajevu.

3. Jačanje strukturalne saradnje i unapređenje odnosa Bosne i Hercegovine i NATO

Individulani partnerski akcioni plan (IPAP) Bosne i Hercegovine za period 2014-2016, predstavlja formalni instrument saradnje sa NATO, u NATO štabu u Briselu je 16. februara 2016. godine održan sastanak u formatu „28+1“ (NATO članice i BiH), tokom kojeg su provedene konačne konsultacije u vezi sa NATO procjenom o implementaciji IPAP BiH za 2014. i 2015. godinu. Delegaciju BiH predvodio je Predsjedavajući Komisije, uz prisustvovanje predstavnika ministarstava inostranih poslova, odbrane, sigurnosti i finansija i trezora, te Misije BiH pri NATO-u.

4. Unapređenje regionalne saradnje

Ministarstvo inostranih poslova Bosne i Hercegovine nastavilo je i u 2016. godini voditi aktivnu spoljnu politiku i saradnju sa svim državama u regionu. Vođene su aktivnosti koje imaju za cilj zastupanje interesa BiH u zemljama regiona, daljnje unapređenje političkog dijaloga, jačanje regionalne saradnje i vođenje politike dobrosusjedstva.

Dobru saradnju na političkom nivou potvrđuje intenzitet razmjene službenih posjeta i susreta na bilateralnim i multilateralnim skupovima, čime je postignut daljnji pomak u stvaranju pozitivne političke klime. Tokom 2016. godine naročito su intenzivirani susreti ministara inostranih poslova unutar procesa regionalne saradnje i evropskih integracija.

Značajan broj aktivnosti Ministarstva je u pomenutom periodu bio usmjeren i na koordinaciju ucesca BiH u radu regionalnih inicijativa i organizacija: WB6, SEECP, RCC, MARRI. U istom svijetlu, Ministarstvo je koordinisalo pristupanje BiH novouspostavljenom Fondu za Zapadni Balkan (WBF).

5. Razvoj i jačanje ekonomske diplomatije

Aktivnosti na planu ekonomske diplomatije su i tokom 2016. godine bile usmjerene ka realizaciji osnovnih ciljeva, unapređenju izvoza kompanija BiH i privlačenju stranih investicija u BiH, u skladu sa prioritetima u svom radu. Kontinuirano se radilo na predstavljanju firmi iz BiH u inostranstvu u saradnji sa Spoljnotrgovinskom komorom BiH, kroz diplomatsku mrežu BiH, te posredovalo u uspostavi poslovnih kontakata proizvođača iz BiH sa partnerima u inostranstvu na inicijativu stranih ili naših kompanija.

Nastavljena je dobra saradnja sa predstavnicima Ministarstva spoljne trgovine i ekonomskih odnosa BiH, FIPA-e i Spoljnotrgovinske komore BiH. Ministarstvo je tokom 2016. godine

prosljedilo/uputilo preko 700 različitih akata adresiranih na poslovne subjekte i asocijacije u zemlji i inostranstvu, a koji se tiču promocije izvoznih aktivnosti određenih bh. sektora, te mogućnosti privlačenja stranih investicija. Poseban angažman MVP BiH bio je i u segmentu pripreme projekata za tzv. Connectivity Agendu 2020, potom platformu Kina + 16 zemalja JIE.

"Sarajevo Business Forum" je najveća i najznačajnija investicijska konferencija u regiji koja je 2016. godine uspješno organizovana sedmi puta. Prošle godine SBF je privukao 1.600 učesnika iz preko 30 zemalja svijeta, uključujući i 350 akreditovanih novinara. SBF je pružio odlične mogućnosti umrežavanja za sve učesnike, omogućavajući im da promoviraju svoje kompanije, organizacije, projekte i ideje. Više od 250 B2B sastanaka su prošle godine održani tokom SBF. Predstavljeni su projekti iz Bosne i Hercegovine, Slovenije, Hrvatske, Srbije, Makedonije, Crne Gore i Albanije iz oblasti poljoprivrede, energetike, obrazovanja, finansija, infrastrukture, izgradnje, turizma i drugih grana industrije.

B) Sredstva odobrena Budžetom za ostvarivanje utvrđenih ciljeva u ukupnom iznosu od 61.014.176,00 KM utrošena su namjenski, svrsishodno i zakonito prema sljedećoj strukturi:

Red. broj	Rashodi	Odobreno budžetom	Izvršeno
1.	Plate i naknade	37.480.635	35.748.972
2.	Materijalni troškovi	16.857.629	15.893.468
3.	Kapitalna ulaganja	6.675.912	4.215.670
4.	Grantovi		
	UKUPNO	61.014.176	55.858.110

Odstupanja izvršenih od odobrenih rashoda rezultat su:

1. Prenesenih namjenskih sredstava višegodišnjih kapitalnih projekata čija realizacija se nastavlja u 2017. godini, a koja su namjenjena za ulaganje u objekte DKP BiH u inostranstvu.
2. Nije ostvarena potpuna popunjenost u DKP BiH u odnosu na planirani broj zaposlenih u 2016. godini, čime su ostvarene uštede.

C) Uspostava i provođenje sistema finansijskog upravljanja i kontrole zasnovano je na podlogama iz člana 33b. i člana 33c. Zakona o finansiranju institucija Bosne i Hercegovine, i to:

1. U toku je izrada internih propisa o finansijskom upravljanju i kontroli.
2. U toku je uspostava sistem upravljanja i kontrole u organizacionim jedinicama koji će obuhvatati programe i procese koje izvršava institucija.
3. Nakon uspostave, sistem finansijskog upravljanja i kontrole će osiguravati revizorski trag za finansijske i sve druge transakcije koje su izvršene u obračunskom periodu.

4. Izrađen je izvještaj o finansijskom upravljanju i kontroli za 2016. godinu i dostavljen Centralnoj harmonizacijskom jedinici Ministarstva finansija i trezora (CHJ) na način i u rokovima koji su propisani podzakonskim aktima na osnovu člana 33c. stav (2) Zakona o finansiranju institucija Bosne i Hercegovine.

Nisu realizovane ili su djelimično realizovane aktivnosti:

U izvještajnom periodu, Ministarstvo inostranih poslova BiH je, u odnosu na zacrtane kratkoročne i srednjoročne ciljeve, uspješno realizovalo sve obaveze proizašle iz Plana rada za 2016. godinu, izuzev aktivnosti koje nisu isključivo u nadležnosti Ministarstva inostranih poslova, nego na iste utiču i aktivnosti drugih državnih institucija.

Rukovodilac institucije

Datum, 07 .03.2017. godine